

## Vorrede.

vnd andern denckwürdigen Geschichten vnd Exempeln/ damit wir nicht allezeit Kinder seyn/ vnd nicht wissen/ was für vns guts vnd löblichs/ dem wir nachfolgen/ noch böses vnd schädliches/ für welchem wir vns hüten sollen/ geschehen: Haben nechst der Bibel/ welche engentlichen vrsprung/ anfang/ vnd vollkommene Histori der ganzen Welt/ mit ennggeführter gewisser erzehlung der fürnembsten Monarchien/ oder grossen Kaysertthumb/ mächtigsten Königreich vnd Regiment/ mit anzeigung gründlicher vrsachen/ veränderung derselben/ welches allen Philosophen/ Naturkündigern vnd Weltweisen/ in dem Natürlichem Liecht ihres verstandis unbegreiflich/ erkläret/ auch viel fürtrefflicher Leut Zeit vnd Geschichte beschrieben/ damit sie den Nachkommen Exempel der Tugendt vnd Mannheit haben wöllen fürbilden.

Darneben haben auch andere wolverdiente Leut viel nützer vnd heilsamer Lehren/ so zu gemeinem Bürgerlichen Leben vnd Gesellschaft dienlich/ verlassen. Den weil vnser lieber H. Er. Gott dz Menschlich Geschlecht/ in gewisse vnterschiedtliche Empter vntereinander verbunden/ in welchen ein jeder seinem vermögen nach dz beste auff's förderlichste sol erhalten helfen/ ist von nöten/ daß man nicht allein in gemein sage vnd schreibe von grossen mächtigen Königreichen/ vnd derselben zufäll vnd veränderungen/ von rühmlichen Thaten gewaltiger Helden/ dadurch sie vmb gemeinen nuß sich wol verdienet/ sondern auch/ daß man insonderheit der Tugendt vorschreibe/ beydes kurze Regeln/ gebott vnd verbott/ von guten Sitten vnd Ehrbarkeit/ in eusserlichem Leben vnd wandel/ darnach auch gewisse Exempel abmahle vnd fürbilde/ nach welchen sie sich in ihrem Ampt vnd Beruf verhalten vnd richten können.

Es sind aber dieser Lehren fast zweyerley art. Denn erstlich sind solche/ die eines jeden Leben vnd Sitten/ wie dieselbigen mit Göttlichen vnd Weltlichen Rechten vnd Gebotten sollen oberein stimmen/ regieren vnd wie in eusserlicher Bürgerlicher Gesellschaft ein jeder gegen dem andern auffrichtig/ ehrbar vnd redtlich/ sich erzeigen vnd halten sol/ vorschreiben/ Desgleichen von der Natur/ irer engenschaft/ vnd allem/ so derselben vnterworffen vnd anhengig/ so viel Menschlichem verstandt begreiflich/ disputieren/ vnd vnter dem Namen der freyen Künste gemeiniglich begriffen werden.

Demnach findet man auch andere nütze vnd nötige Lehren beschrieben/ von allerley andern Weltlichen Künsten/ Handtwercken/ Bauwmeistern/ Kriegssachen/ Feldmessen/ Visiern/ Kauffmanschaft/ vnd andern dergleichen: In welchen/ als die nicht allein jedermenniglich dienstlich vnd sehr nötig/ sondern auch ohne welche jene die freyen Künste nicht können getrieben werden/ durch Schrifften jede irem wehrt nach heraus zu streichen/ viel fürtrefflicher Leut sich wol bewiesen/ vnd viel schöner Schrifften/ so mit